

Ordre du jour

1.

Dépôt d'un projet de loi
2.

5658 - Projet de loi portant modification des articles 271, 273bis, et 276 de la loi modifiée du 10 août 1915 concernant les sociétés commerciales
(Rapport de la Commission juridique - Discussion générale)
3.

4992 - Projet de loi modifiant 1. la loi modifiée du 10 août 1915 concernant les sociétés commerciales, 2. la loi du 19 décembre 2002 concernant le registre de commerce et des sociétés ainsi que la comptabilité et les comptes annuels des entreprises et modifiant certaines autres dispositions légales, et 3. la loi du 25 août 2006 concernant la société européenne (SE), la société anonyme à directeur et conseil de surveillance et la société anonyme unipersonnelle - Second vote constitutionnel
(Second vote constitutionnel)
4.

5658 - Projet de loi portant modification des articles 271, 273bis et 276 de la loi modifiée du 10 août 1915 concernant les sociétés commerciales (suite)
(Vote et dispense du second vote constitutionnel)
5.

Dépôt d'une motion par M. Henri Kox
6.

Motion de M. Félix Braz relative à l'inscription des Non-Luxembourgeois sur les listes électorales
(Vote)
7.

Motion de M. Aly Jaerling relative à l'inscription dans la Constitution de la langue luxembourgeoise comme langue nationale
8.

5639 - Projet de loi modifiant et complétant la loi modifiée du 12 février 1979 concernant la taxe sur la valeur ajoutée
(Rapport de la Commission des Finances et du Budget - Vote et dispense du second vote constitutionnel)
9.

5613 - Projet de loi portant approbation du Septième Protocole additionnel à la Constitution de l'Union postale universelle, du Règlement général de l'Union postale universelle et de la Convention postale universelle et de son Protocole final ainsi que de l'Arrangement concernant les services de paiement de la poste, dans la version signée au Congrès postal universel de Bucarest, le 5 octobre 2004
(Rapport de la Commission de la Fonction publique et de la Réforme administrative, des Media et des Communications - Vote et dispense du second vote constitutionnel)
10.

5648 - Projet de loi portant approbation de l'Accord entre les États du Benelux (le Royaume de Belgique, le Grand-Duché de Luxembourg, le Royaume des Pays-Bas) et la Bosnie et Herzégovine relatif à la reprise et à la réadmission des personnes en situation irrégulière (Accord de reprise et de réadmission) et de son Protocole d'application, signés à Sarajevo, le 19 juillet 2006
et
5649 - Projet de loi portant approbation de l'Accord entre les Gouvernements des États du Benelux (le Royaume de Belgique, le Grand-Duché de Luxembourg, le Royaume des Pays-Bas) et le Gouvernement macédonien relatif à la réadmission des personnes en séjour irrégulier (Accord de réadmission) et de son Protocole d'application, signés à Voorburg, le 30 mai 2006
(Rapport commun de la Commission des Affaires étrangères et européennes, de la Défense, de la Coopération et de l'Immigration - Votes et dispenses du second vote constitutionnel)
11.

Motion de M. Henri Kox concernant le projet de loi 4985 relatif aux chiens
(Discussion générale - Vote)

Au banc du Gouvernement se trouvent: MM. Luc Frieden et Jeannot Krecké, Ministres.
(Début de la séance publique à 14.30 heures)

» M. le Président.- D'Sitzung ass op.

Huet d'Regierung eng Kommunikatioun ze maachen?

» M. Luc Frieden, *Ministre de la Justice*.- Jo, Här President.

» M. le Président.- Jo. Den Här Minister Frieden huet d'Wuert.

1. Dépôt d'un projet de loi

» M. Luc Frieden, *Ministre de la Justice*.- Här President, duerch groussherzoglechen Arrêté vum 13. Mäerz sinn ech autoriséiert ginn, an der Chamber de Projet de loi ze déposéieren, deen eng Reform soll maache vun de Responsabilitétsregimer an der Konstruktioun.

Dat ass e wichtege Projet de loi, well haut wëssen all déi Leit, déi en Haus gebaut hunn oder en Haus kaaft hunn, datt, wann do Problemer entstinn, de Régime de responsabilité, dee sech applizéiert jee no Beruffsstand, mat deem se ze dinn hunn, ganz ënnerschiddlech ass. D'Zil heivunner ass et, e gemeinsame Régime de responsabilité ze maache fir déi, déi bauen, sief dat den Architekt, sief dat den Entrepreneur, sief dat verschidde Corps-de-métieren oder och Promoteuren.

Eist Zil ass och, déi Délaien, déi do bestinn, ze uniformiséieren.

En anere Punkt - a vläicht dee leschten, deen ech hei wëll mentionnéieren -: Et ass eist Zil, datt an Zukunft de Régime de responsabilité ëmmer deen ass vum Lëtzebuerger Land, vum Lëtzebuerger Code civil. Dat heescht dann och, wann auslännesch Entreprises op Lëtzebuerg baue kommen an et ass herno e Problem, datt dann awer de Lëtzebuerger Regime vun der Responsabilitéit vis-à-vis vun deene spillt.

Ech mengen, et ass grad an enger Grenzregioun, wéi Lëtzebuerg eng ass, a grad wéi et an deem dote Marché och funktionéiert, e wichtegt Element. Ech sinn duerfir frou, datt mer dee Projet de loi kënnen haut hei déposéieren, an deen dann och an der zoustänneger Chamberskommissioun, esou wéi d'Chamber dat da wäert op hiren Ordre du jour setzen, kënnen am Detail diskutéieren.

- *Projet de loi N°5704 portant réforme des régimes de responsabilité en matière de construction et modifiant le code civil.*

Merci.

» M. le Président.- Merci, Här Minister. Ech ginn Akt vum Dépôt vun dësem Projet de loi, deen un déi zoustänneg Chamberskommissioun weidergeleet gëtt.

Mir kommen dann direkt zum Second vote constitutionnel vum Projet de loi 4992 iwwert d'Sociétés commerciales. Dëse Projet ass den 21. November eng éischte Kéier ofgestëmmt ginn. Mir kommen direkt zum Vote. De Vote fänkt un.

» Une voix.- Neen, Här President!

(Interruptions)

» M. le Président.- Jo, mir sinn nach net esou wäit. Mir hunn och nach kee Quorum. Geet d'Maschinn? Geet de Computer?

(Interruption)

Et hunn der eréischt 28 ofgestëmmt.

» Une voix.- Jo, ech konnt net!

(Interruptions)

» M. le Président.- Bei wiem geet de Computer net?

Dann, den Här Gira, den Här Kox, den Här Angel - dann ass de Quorum erreecht. Vote par procuration.

(Interruptions)

De Moment sinn technesch Schwierigkeiten hei. Mir komme spéider op dee Vote hei zrëck, well dat doten, dat gëtt de Moment näischt.

Et si gëschter zwou Motiounen déposéiert ginn, eng vum Här Braz iwwert d'Campagne d'information iwwert déi europäesch Wahlen, an déi vum Här Jaerling iwwert d'Lëtzebuerger Sprooch. Ech géif drëm bidden, dass mer déi kéinten am Laf vum Mëtteg während der Sitzung iergendwann zur Ofstëmmung bréngen, wann d'Fraktiounen domadder d'accord sinn.

» Une voix.- Jo.

» M. le Président.- Voilà! Dann, wéi gesot, komme mer spéider op de Vote vum Projet zrëck.

Mir kommen dann zur Diskussioun vum Projet de loi iwwert d'Sociétés commerciales. D'Wuert huet de Rapporteur, den honorabelen Här Patrick Santer.

2. 5658 - Projet de loi portant modification des articles 271, 273bis et 276 de la loi modifiée du 10 août 1915 concernant les sociétés commerciales

Rapport de la Commission juridique

» M. Patrick Santer *(CSV)*, *rapporteur*.- Här President, Dir Dammen an Dir Härën, de Projet de loi 4992, dee mer elo an e puer Minutte wäerten an zweeter Lecture stëmmen, hat och e Volet, mat deem de Statsrot iwwregens averstane war, deen international Fusiounen - grenziwwerschreidend Fusiounen - erlaabt. Esou kann eng lëtzebuergesch Gesellschaft mat enger auslännescher fusionéieren, wann natierlech d'Gesetzgebung, där déi auslännesch Gesellschaft ënnerläit, dat och erlaabt.

Wéi 2002 de Projet de loi 4992 ausgeschafft gouf, hat déi Europäesch Kommissioun nach keng Initiativ ergraff a Saache grenziwwerschreidend Fusiounen. De 26. Oktober 2005 ass eng Direktiv ugeholl ginn, déi d'Regele fir grenziwwerschreidend Fusiounen virschreift. Dës Direktiv muss bis de 15. Dezember 2007 an eis Gesetzgebung iwwerholl ginn.

An der Erwaardung vun engem Projet de loi, deen dës Direktiv ëmsetzt, a well mer schonn eng prinzipiell Regelung an dëser Matière virgeholl hunn, ass de Projet de loi 5658 ausgeschafft ginn, fir e puer Präzisiounen ze ginn, wéi grenziwwerschreidend Fusiounen ze regele wären. De Statsrot huet an dësem Kontext vun enger Loi de circonstance geschwat,...

(Coups de cloche de la Présidence)

...well de Projet de loi nëmmen op déi virstoend Fusioun zwëschen Arcelor a Mittal Uwendung géif fannen.

De Statsrot berëfft sech hei op Erklärungen, déi hien diesbezüglich vun der Regierung kritt hätt. Net nëmmen huet d'Regierung keng esou Erklärung ginn an am Projet de loi steet näischt diesbezüglich, mä näischt deit drop hin, datt dës nei Bestëmmungen nëmmen op eng Fusioun - esou wichteg se fir d'Lëtzebuerger Wirtschaft och ass - Uwendung kéinte fannen.

Firwat sollt eng grenziwwerschreidend Fusioun sech nëmmen op d'Fusioun Arcelor-Mittal uwenden? Ech kenne weider Fäll, wou zwou Gesellschaften grenziwwerschreidend wëlle fusionéieren, ouni natierlech, datt dës Fusioun deeselwechten Impakt oder Image huet wéi déi vun Arcelor-Mittal. Et kann ee wierklech net hei vun enger Loi de circonstance schwätzen.

De Statsrot hat och geschriwwen, datt dëse Projet de loi sech net op Fusion par constitution de nouvelles sociétés géif applizéieren; also, wann zwou Gesellschaften fusionéieren, fir eng nei ze grënnen. Do läit de Statsrot falsch, well obwuel d'Bestëmmungen vum Gesellschaftsrecht, déi mer elo wäerten ofänneren, am Kapitel iwwert d'Fusion par absorption stinn, gesäit elo schonn den Artikel 277 vum Gesellschaftsgesetz vun 1915 vir, datt d'Bestëmmungen iwwert d'Fusion par absorption och bei der Fusion par constitution de nouvelles sociétés Uwendung fannen.

Zum Text vum Projet de loi wollt ech e puer Wieder soen:

Éischstens, den Artikel 1 vum initiale Projet de loi hu mer gestrach. Den Artikel 257, deen do sollt geännert ginn, steet am Projet de loi 4992. Wéi de Projet de loi 5658 op den Instanzewee geschéckt ginn ass, war natierlech net kloer, wéini de Projet de loi 4992 gestëmmt sollt ginn.

Zweetens, de Lëtzebuerger Notaire, deen d'grenziwwerschreidend Fusioun aktéiert, brauch e Certificat vun engem auslänneschen Notaire, also en Officier d'état public, oder vun enger auslännescher Autoritéit, déi beschäinegt, datt d'Fusiounsprozedure fir déi auslännesch Gesellschaft regelméisseg respektéiert goufen.

Drëttens, bei enger nationaler Fusioun besteet en Ënnerscheed zwëschen interner

an externer Wierkung. D'Fusioun ass zwëschent den Aktionäre wierksam vun deem Moment un, wou déi zwou Gesellschafteversammlungen d'Fusioun guttgeheescht hunn. Géigeniwwer Drëttpersonen ass d'Publikatioun vun der Fusioun am Mémorial ausschlaggebend. Bei enger grenziwwerschreidender Fusioun lafen déi intern an déi extern Wierkung vun der Publikatioun am Mémorial un.

Véiertens, d'Nullitéit vun enger grenziwwerschreidender Fusioun kann net méi beantragt ginn, wann d'Fusioun am Mémorial publizéiert gouf. Dat ass eng wuertwärtlech Ëmsetzung vun där europäescher Direktiv, déi ech virdrun ugeschwat hunn.

Här President, Dir Dammen an Dir Hären, mat dësem Projet de loi maache mer eist Gesellschaftsrecht op fir grenziwwerschreidend Fusiounen. Zwar soll nach ee Projet de loi nokommen, fir déi Direktiv vollstänneg ëmsetzen. An ech hoffen, datt mer de Stéichdatum vum 15. Dezember 2007 wäerten anhalen.

Souwuel beim Projet de loi 4992 wéi bei dësem Projet de loi hu mer et fäerdeg bruecht, fir déi 92 Joer al Damm vu Gesetz vum 10. August 1915 nach ëmmer modern a monter ze halen. Dat kënnt och eiser Standuertcapacitéit - eiser Standuertpolitik - zegutt, och wann nach steuerlech Moossnamen zum Beispill bei Kapitalverkéier mussen an d'A gefaasst ginn.

Här President, Dir Dammen an Dir Hären, d'Commission juridique huet de Projet de loi an de Rapport unanime ugeholl, an d'CSV-Fraktioun wäert sech där Unanimitéit net widdersetzen.

Ech soen Iech Merci.

» **Plusieurs voix.**- Très bien!

» **M. le Président.**- Merci, Här Rapporteur.

Freet nach soss een d'Wuert zu dësem Projet de loi?

(Interruptions)

» **Une voix.**- Et ass alles gesot.

» **M. le Président.**- Wann alles gesot ass...

(Interruption)

Madame Flesch, Dir hutt d'Wuert.

Discussion générale

» **Mme Colette Flesch (DP).**- Här President, erlaabt mer wann ech gelift dräi Bemierkungen. Déi éischt, dat ass, fir dem Rapporteur Merci ze soen, deem op seng üblech Manéier de Projet ganz gutt presentéiert huet. Ech soen him Merci dofir, an ech wëll och net weider op de Projet als solchen agoen.

Ech wëll nëmmen drop hiweisen: An deem Mooss, wou mer op onsem Ordre du jour als éischte Punkt de Projet 4992 hunn an duerno de Projet, deem elo hei presentéiert ginn ass, aus deenen Ursaachen, déi de Rapporteur ervirgestrach huet, géif et mir schéngé justifiéiert ze sinn, dass mer den 4992 fir d'éischt géinge stëmmen duerch en zweete Vote constitutionnel, an dann duerno de Projet, deem elo zur Diskussioun steet.

Ech mengen, da wäre mer och chronologesch konform mat deem, wat mer an der Kommissioun gesot hunn.

» **Une voix.**- Dat ass richtig. Jo.

» **Mme Colette Flesch (DP).**- Dat Drëtt, wat ech wollt soen, an do riichten ech mech

un den Här Minister: Mir hunn iwwert dee Projet, deem elo zur Diskussioun steet, de 5658, gesot, dat ass eppes, wou mer virgräifen, mä mir waarden op de Projet de loi, deem d'Transpositioun vun der Direktiv virgesäit. Dee Projet de loi de transposition vun der Direktiv gëtt jo bestëmmt keen einfache Projet, a mir wäerten d'Geleeënheet hunn, laang a breet doriwwer ze diskutéieren.

De Minister huet ons gesot, de Projet wär esou wäit fäerdeg. Mäin Appel un de Minister ass en ze bieden, dee Projet esou séier wéi méiglech ze déposéieren, net dass mer duerno erëm weinst dem Ëmsetzdatum vum 31. Dezember 2007 géingen an d'Labrante kommen. Also e waarmen Appel un de Minister, dass mer dee Projet esou séier wéi méiglech hei kënnen déposéiert gesinn.

Selbstverständlech wäert ons Fraktioun de Projet 5658, esou wéi e vum Här Santer virgedroe ginn ass, stëmmen.

» **Une voix.**- Très bien.

» **M. le Président.**- Wéi esou oft huet d'Madame Flesch eng ganz pertinent Remarque gemaach, a mir wäerten deem Rechnung droe beim Vote. Här Klein, Dir hutt d'Wuert.

» **M. Jean-Pierre Klein (LSAP).**- Jo, Här President, Dir Dammen an Dir Hären, ech wollt och dem Rapporteur Merci soe fir säi Rapport. Dës zwee Texter, déi mer elo nach wäerte stëmmen, den 4992 an och dëse Projet de loi 5658, wäerten an Zukunft eis Gesetzgebung iwwert d'international Fusioun fundamental veränneren.

Dat ass wichteg, fir de Standuert Lëtzebuerg méi kompetitiv a méi attraktiv ze maachen, fir deenen auslänneschen Entreprises dat Ganzt méi attraktiv ze maachen, an duerfir ginn ech och den Accord vun eiser Fraktioun zu dësem Projet de loi.

» **Plusieurs voix.**- Très bien!

» **M. le Président.**- Merci, Här Klein. Ech faassen dann nach eng Kéier déi kollektiv Mercië vun alle Fraktiounen zesummen, fir dem Här Santer déi ze iwwermëttelen. Deementspriedend komme mer elo, wéi d'Madame Flesch proposéiert huet, zum Vote vun deem éischte Projet, dee mer virdrun net konnten ofstëmmen.

3. 4992 - Projet de loi modifiant 1. la loi modifiée du 10 août 1915 concernant les sociétés commerciales, 2. la loi du 19 décembre 2002 concernant le registre de commerce et des sociétés ainsi que la comptabilité et les comptes annuels des entreprises et modifiant certaines autres dispositions légales, et 3. la loi du 25 août 2006 concernant la société européenne (SE), la société anonyme à directoire et conseil de surveillance et la société anonyme unipersonnelle - Second vote constitutionnel

Dir Dammen an Dir Hären, mir kommen dann elo zum zweete Vote constitutionnel iwwert de Gesetzesprojet 4992.

Second vote constitutionnel

De Projet de loi 4992 ass eestëmmeg ugeholl mat 58 Jo-Stëmmen, bei kenger Abstentioun a kenger negativer Stëmm.

Ont voté oui: Mmes Sylvie Andrich-Duval (par M. Marcel Oberweis), Nancy Arendt

(par M. Lucien Thiel), M. Lucien Clement, Mmes Christine Doerner, Marie-Josée Frank, Marie-Thérèse Gantenbein-Koullen (par Mme Christine Doerner), MM. Marcel Glesener (par M. Paul-Henri Meyers), Norbert Hauptert, Mme Françoise Hetto-Gaasch (par M. Jean-Paul Schaaf), MM. Ali Kaes, François Maroldt, Paul-Henri Meyers, Laurent Mosar (par M. Patrick Santer), Marcel Oberweis, Patrick Santer, Marcel Sauber, Jean-Paul Schaaf, Marco Schank, Marc Spautz, Mme Martine Stein-Mergen (par M. Marc Spautz), MM. Fred Sunnen, Lucien Thiel, Lucien Weiler et Michel Wolter;

MM. Marc Angel, Alex Bodry, John Castegnaro, Mme Claudia Dall'Agnol, M. Fernand Diederich, Mme Lydie Err (par Mme Claudia Dall'Agnol), MM. Ben Fayot (par M. Roger Negri), Jean-Pierre Klein, Mme Lydia Mutsch (par M. John Castegnaro), MM. Roger Negri, Jos Scheuer, Romain Schneider (par M. Fernand Diederich), Roland Schreiner (par M. Marc Angel) et Mme Vera Spautz (par M. Alex Bodry);

M. Xavier Bettel, Mme Anne Brasseur, M. Emile Calmes, Mme Colette Flesch, MM. Charles Goerens, Henri Grethen (par M. Xavier Bettel), Paul Helminger (par Mme Anne Brasseur), Alexandre Krieps (par M. Carlo Wagner), Claude Meisch (par M. Emile Calmes) et Carlo Wagner;

MM. Claude Adam, François Bausch, Félix Braz, Camille Gira, Jean Huss, Henri Kox et Mme Viviane Loschetter;

MM. Gast Gibéryen (par M. Robert Mehlen) et Robert Mehlen;

M. Aly Jaerling.

4. 5658 - Projet de loi portant modification des articles 271, 273bis et 276 de la loi modifiée du 10 août 1915 concernant les sociétés commerciales (suite)

Da komme mer zum Vote vum Projet de loi 5658, dee mer elo just diskutéiert hunn.

Vote sur l'ensemble du projet de loi et dispense du second vote constitutionnel

De Projet de loi 5658 ass eestëmmeg ugeholl mat 58 Jo-Stëmmen, bei kenger Nee-Stëmm a kenger Abstentioun.

Ont voté oui: Mmes Sylvie Andrich-Duval (par M. Marcel Oberweis), Nancy Arendt (par M. Marc Spautz), M. Lucien Clement, Mmes Christine Doerner, Marie-Josée Frank, Marie-Thérèse Gantenbein-Koullen (par M. François Maroldt), MM. Marcel Glesener (par M. Paul-Henri Meyers), Norbert Hauptert, Mme Françoise Hetto-Gaasch (par M. Lucien Thiel), MM. Ali Kaes, François Maroldt, Paul-Henri Meyers, Laurent Mosar (par Mme Christine Doerner), Marcel Oberweis, Patrick Santer, Marcel Sauber, Jean-Paul Schaaf, Marco Schank, Marc Spautz, Mme Martine Stein-Mergen (par M. Norbert Hauptert), MM. Fred Sunnen, Lucien Thiel, Lucien Weiler et Michel Wolter;

MM. Marc Angel, Alex Bodry, John Castegnaro, Mme Claudia Dall'Agnol, M. Fernand Diederich, Mme Lydie Err (par Mme Claudia Dall'Agnol), MM. Ben Fayot (par M. Roger Negri), Jean-Pierre Klein, Mme Lydia Mutsch (par M. John Castegnaro), MM. Roger Negri, Jos Scheuer, Romain Schneider (par M. Fernand Diederich), Roland Schreiner (par M. Marc Angel) et Mme Vera Spautz (par M. Alex Bodry);

M. Xavier Bettel, Mme Anne Brasseur, M. Emile Calmes, Mme Colette Flesch, MM. Charles Goerens, Henri Grethen (par M. Xavier Bettel), Paul Helminger (par Mme Anne Brasseur), Alexandre Krieps (par M. Emile Calmes), Claude Meisch (par

Mme Colette Flesch) et Carlo Wagner;

MM. Claude Adam, François Bausch, Félix Braz, Camille Gira, Jean Huss, Henri Kox et Mme Viviane Loschetter;

MM. Gast Gibéryen (par M. Robert Mehlen) et Robert Mehlen;

M. Aly Jaerling.

Gëtt d'Chamber d'Dispens vum zweete Vote constitutionnel?

(Assentiment)

Dann ass et esou décidéiert.

Ier mer zu deenen zwou déposéierte Motioune kommen, huet fir d'éischt den Här Kox d'Wuert, fir och nach en Dépôt ze maachen. Här Kox!

5. Dépôt d'une motion par M. Henri Kox

» **M. Henri Kox (DÉI GRÉNG).**- Här President, ech wëll am Numm vun der grénger Fraktioun eng Motioun déposéieren zum Projet de loi 4985, dat sougenannten Hondsgesetz, fir de Projet zréckzezéien an nei ze iwwerschaffen am Sënn, dass net d'Hënn am Mëttelpunkt stinn, mä éischter d'Propriétaire vun den Hënn.

Merci.

» **Une voix.**- Très bien.

Motion

La Chambre des Députés,

- considérant le projet de loi N°4985 relatif aux chiens déposé à la Chambre des Députés en date du 4 juillet 2002, ainsi que les propositions de modifications subséquentes;

- constatant que ces propositions de modifications suivent la même logique que le projet de loi initial, à savoir établir une distinction entre races dangereuses et non dangereuses et limiter la liberté du chien;

- constatant que ce projet a été vivement critiqué par les organisations oeuvrant dans le domaine de la protection des animaux, ainsi que par de nombreux propriétaires de chiens;

- estimant que le classement en races «dangereuses et non dangereuses» ne résoudra pas le problème d'attaques de chiens, étant donné que ce n'est pas la race qui définit l'agressivité du chien, mais bien sa socialisation et son éducation;

- considérant que le Conseil d'État estime dans son avis du 10 décembre 2002 que: «Un chien n'étant pas méchant par nature, il conviendrait plutôt de légiférer sur son propriétaire»;

- estimant que la meilleure prévention est une bonne éducation du chien par son propriétaire;

- considérant les sanctions sévères contenues dans le projet de loi et l'avis du Conseil d'État du 10 décembre 2002 qui estime que «la surpénalisation a des résultats pervers et conduit en réalité à une baisse du sens de la responsabilité»;

- saluant néanmoins quelques bonnes initiatives du projet de loi en question, notamment celle de l'identification électronique des chiens qui permet d'identifier les détenteurs de chiens et qui pourrait apporter des garanties contre le délaissement des chiens;

invite le Gouvernement

à retirer le projet de loi et à présenter un nouveau texte axé sur le propriétaire du chien et développant des propositions concrètes quant à:

• la prévention des accidents par l'éducation du chien et la formation du propriétaire en matière de comportement des chiens;



Chambre
des Députés

L U X E M B O U R G

d'Chamber online op
www.chd.lu